



DEO OPTIMO MAX.
UNI ET TRINO,

VIRGINI DEI - PARÆ ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
*manè discutienda in Scholis Medicorum, die Jovis vigesima nona
mensis Novembris, Anno Domini M. DCC. LIX.*

M. DIONISIO-CLAUDIO DOULCET,
Doctore Medico, Præsidente.

Utrum ventriculus, ut sapiens, chronicorum officina, acutorum fomes?

I.



ITAM constituit motus, hujus norma sanitatem, quantitas mutata morbum; & mors nil nisi motus cessatio. Motum in corpore inerti producant sola irritantia. Cor præsentia sanguinis contrahitur, diaphragma in cadaveribus recenter mactatorum, à lavissima irritatione convellitur. Pendet à nervis irritabilibus. (a) Constat experientia multiplici. Unde pars ea maxime irritabilis quæ pluribus nervis instructa est. Actio irritantium in partes, harum contractionem

(a) Vide Theſim. an ut sensibilitas sic irritabilitas à nervis. Autore M. de Villars, anno 1757.

A

producit. Hinc in partibus irritantibus actu expositis minuitur in omnem sensum vasorum diameter. Tandem consentiunt partes quibus prospiciunt iidem nervi aut solummodò nervi communicantes inter se. His positis; ex cognita ventriculi structurâ plurimùm nervosâ, ex habitâ ratione sitûs & muneris ejus, quæ duo irritantibus obnoxium eum multùm faciunt, ex descriptis ejus nervis, quorum ope sympathicus est cum cunctis visceribus, nec non partibus externis, hæc sequuntur. 1^o. Quòd ventriculus irriteretur tùm sæpè, cùm fortiter: 2^o. quod eretismus quo afficitur in plurimas partes diffundat: facit hoc ultimum sanguini difficultatem ad circulandum in extremis, plethoram in truncis, cordi resistantiam ad se se vacuandum. Hinc cor pulsât & frequentius & validius; subvertitur æquilibrium, mutatur quantitas motûs, morbiq; prodeunt. Is modus acutus; alius chronicis. Hi quidem etiam à ventriculo tanquàm officinâ, non verò fomite. Horum materiès in ventriculo preparata, per chylum in sanguinem deferitur; varias dein, variis in partibus deposita, miseras procreat. Suos tandem habet morbos ventriculus. Huic sui sunt affectus & malis dolet propriis. Jure igitur Hoffmannus, (b) *plurimorum itaque*, ait, morborum domicilium in ventriculo collocandum est.

(b) Tome I. pag. 179. § 13.

I I.

SEDEM obtinet in hypocondrio sinistro nec non epigastrio. Medius est inter hepar incumbens & lienem pressam. Huic dat arterias truncus celiacus. Magnam partem venarum excipit vena portarum; in ramum splenicum terminantur aliæ, ope vasorum brevium. Nervi prodeunt ab intercostali & octavâ conjugatione. Hæc ventriculo sacra ferè tota est. Substantiam constituunt tunicæ quatuor. Membranosa prima, muscularis altera; tertiam nervosam nuncupant plurimi; aponevroticam dicit Winslowus, (a) cellularem, vult Heisterus; (b) quartam villosam vocant omnes. Hæc parte concavâ amplior, rugas facit, parte convexâ glandulis ornatur multis, variis, (c) circâ pilorum & minorem curvaturam numerosioribus. (d) Sic ferè natura ventriculum aptavit. In hoc digeruntur cibi potusque. Ad functionem adimplendam tria concurrunt; trituraio levis, fermentatio incohata, partium dissolutio. Tres numeras operationes. Harum instrumenta sunt natus loci calor, motus qui solet esse placidus, menstrua tandem. Hæc copiosa scaturiunt ex diverso fonte. Omnibus saponacea est natura. Sunt autem, mucus, saliva, succus gastricus. Quid tum? Ubi depravatur digestio, peccant solida vel fluida, aut utraque simul. Solida seu rigent alstricta, seu laxantur atona. In fluidis arguitur, modò quantitas, modò qualitas. (e) Solida si fuerint sine tono, cibi non mutantur, sed trahente pondere, labuntur in duodenum indigesti. Si sit alstrictio; varius sequitur effectus: in magnâ, antè quàm sint subacta versùs intestina propelluntur alimenta; in ma-

(a) Tom. IV. pag. 27.

(b) Anat. pag. 109.

(c) Inst. Med. pag. 52. §. 77.

(d) Winslow Tom. IV. pag. 27.

(e) Vide Tract. patholo. celeberr. Astruc; pag. 164. & Sequent.

ximâ, claufo ventriculo, diutius retinentur in loco calido & humido. Facit hæc conditio duplex, ut faciliè fermentescant & pro suâ naturâ nunc acefcant, nunc putrescant. Fluida copiosiora solvunt, parciore malè penetrant, vitiata veneno quo inquinantur ipsam insciunt chimaceam materiem. Hinc chylus lentus & viscosus, aquosus & solutus, crudus, crassus, impurus. Undè fibra crassa & rigida, debilis & laxa, humores spissi, soluti, acres, impuri. Eò si processerit prava ciborum mutatio, ut pars eorum in ventriculo semi-cocta maneat, tum fermentescit, & vertitur in substantiam nostris humoribus, viribus digestivis, non assimilandam. Hæc materies *sa'wurra* nuncupatur. Triplicis generis distinguitur. Ab ingestorum indole & digerentis ventriculi calore maximè pendet ejus natura. Undè vel est glutinosa solummodò, vel accida, aut alcalina. Hinc flatulentia, nausæ, ructus, acidi, nidorosi, famis jactura, pituitæ vomitus, ventriculorum cum œsophago dolor urens sorda dictus, oris amarities, sitis, ciborum horror, acidorum appetitus. Hæc in ventriculo prius. At funestior mox agitur tragedia. En enim stagnantis in stomacho morbificæ materiæ molecule per chylum deferentur ad sanguinem. Namque chylus, quam habet, sanguini naturam communicat. (f) Nihil obstat quòd nullum unquam nec acidi, nec alcali, manifestum indicium dederit extractus è corpore vivente sanguis. Iac assumptorum saporem & odorem diu retinet. Acrioribus pro victu usurpantibus acres sunt humores. Dum putridas carnes devorare jussit malè sana fames, miseros putridi morbi corripuere. Sudor pluribus manat acidus. Rapacium volucrum, ferarumque carnes citissimè putrescunt. Qualis igitur fuerit chylus, talis erit sanguis. Hinc est in pluribus lentus & spissus, in aliis solutus & aquosus, in plurimis impurus. Prior mirè turbat magnum secretionum opus; hæret enim impactus, nec nisi vix moveretur per vasa glandularum tenuissima, angulosa, multis modis intorra, anfractuosa, contorta, longissima. Undè obstructionum omne genus. Ab altero debilitas, pulsus parvus, abolitæ functiones, sudor continuus frigidus, hæmorrhagiæ, prostratæ & mox afflictæ omnino vitæ vires. Sanguis impurus variarum pro variâ suâ naturâ miseriarum fomes. Si sit acris & solutus, vasa corrodit & guttatim disfluens sub epidermide putrescit; cutemque scædat maculis aspectu deformibus. Infantibus acefcante lacte viventibus emollita sæpè distorquentur ossa. Hæc emollire acidorum est. (g) Iidem vitio creditur referendus acutissimos dolores excitans, articulos infestans, hosque distorquens morbus, podagra dictus. Sed quid plura? Sydenhamus acutos & chronicos morbos ratione principii & originis sub eo respectu differre putabat, quod ab aere acuti, ab humorum indigestione chronici pendant. Humorum vero indigestionem, contingere ait, ab errore in cibo & potu. (h) & quidem sint plures humorum digestiones. Qualis prior, tales quæ sequuntur, (i) Principium enim omne continet,

(f) Vide Vanſwieten. Tom. I. pag. 76. 79.

39.

(g) Rem elucidat observatio M. Herissant habitata in Acad. R. P.

(h) Tract. de podagra. Pag. 315. Nec non in dissert. Epist. ad Guelm. Cole.

(i) Vide quod de origine chronicorum scripsit Vanſwieten, tomo 3^o. pag. 332, 333 & 343.

I I I.

PRÆ cæteris partibus irritantibus obnoxius est ventriculus. Nullibi concurrunt res tam diversæ naturæ & indolis. Præter alimenta repugnantis quan-

quàm naturæ simul ingesta, confluunt mucus, saliva, succus gastricus. Si fuerit impedita qualibet secretio potissimum ea quæ fit per poros cutis, aut pravâ methodo tractatus fuerit, distitas & remotas partes occupans morbus, ut sæpius contingit in prodagrâ, (a) fit humorum metastasis versus ventriculum facillimè. In causâ sunt vasa numerosa, tenuia, facillè cedantia, per os internum, æsophagum, cavitatem internam ventriculi reptantia, continuumque rorem sudantia. Observavit Sydenhamus per tres annos obtinuisse talem morborum epidemicorum indolem ut febrilis materia versùs hæc loca deponeretur. (b) Huc totum corpus humores suos derivare posse, ait Vanfwieten. (c) Dixerat Hippocrates, ventriculum maris habere facultatem, dare scilicet omnibus, ab omnibus accipere. (d) His addendum quod sævientibus epidemicis morbis, contagium aëre natans, salivæ & alimentis mixtum continuò & immediatè deferatur ad ventriculum. Inter symptomata quibus vexabantur peste tentatè, nullum frequentius & universalius occurrebat quàm nausea & vomitus. (e) Facillima igitur intrâ ventriculum congestio saburræ. Verùm difficilis hujus expulsio. Hanc morantur rugæ in membranâ villosâ conspicuæ. Patet inde quàm plurimis malis affici possit ventriculus. Doloze gravativo, pungente, sæpè laborat: inflammatione corripitur ejusque sequelis dolet: aphtis oneratur: (f) convulsivus fit: in ipso reptant vermes: hypocondriacam affectionem ipsi propriam esse nos monet Hoffmannus, (g) Morbi quibus afficitur multas ægris anxietates, magnas facescunt medentè difficultates. In promptu causa est. Semel præsens saburra cæteras inficit digestionès. Fermentum dixeris quod in suam naturam mutat quidquid sibi occurrit; venenum quod remedium vires hebetat. Tandem partibus multis condolet. Vomitus nephretidi, vomitus calculo poris biliaris impacto supervenit. Quidquid patitur aut delirat uterus; sentit & plectitur illud stomachus. At frequentior est aliis malorum causa quàm ipsi sunt aliæ partes; sensibiles nempe minùs, minus irritantibus, morbificæque causæ, nec nisi ferè hujus medio, sunt obnoxia.

(a) Vanfwieten. Tom. 3. pag. 160. & 276.

(b) Sydenh. sect. 4. cap. 7. pag. 258.

(c) Tom. 2. pag. 192. & 434.

(d) Hoffmanno referente. *Suppl. pars 1a. pag.*

(e) Vide tractatum de peste Autore M. Senac, tractatus intro.

(f) Vide Ketelaer de aphtis.

(g) *Suppl. pars 2a. pag. 443.*

I V.

NERVI illi ambo quorum unum sympathicum maximum, majorem alterum nominavit Winslows, stabiliunt soventque ventriculi cum cæteris partibus consensum. Horum nervorum ramos & propages sequi, foret quodammodo morbos à ventriculo sympathicè productos indigitare. Mirabilis potissimum & intimus ventriculi cum capite consensus. Difficiles & tardas ciborum coctiones comitatur dolor capitis, harumque sæpè indicium est. Hemicrania per vices recidivæ pro causâ ventriculi vitium habent. Plurimis in casibus atroces capitis dolores eductâ per vomitum saburrâ curantur. Causam vertiginis, epilepsiæ, motuum convulsivorum, mania quoque,

5
 frequentissimè latitare in ventriculo & per consensum hos capitis & nervorum morbos induci scripsit celebris autor. (a) A deglucitâ aciculâ, ventriculum pungente, ob motus convulsivos, aspectum horribilem & furores demoniaci habebatur mulier. (b) Sordes circâ præcordia hærentes, sive ex indigestibili materiâ, sive à contagio & humoribus morbofis huc congestis fluxerint, turbare omnes actiones cerebri, deliria, furores & alia pessima mala producere testatur Vanfwieten. * Monuerat Galenus (c) fieri carum, epilepsiam **, comata, Catalepses, *** deliria, melancholiam quibusdam ob stomachum imbecillum, consentiente principio quod in cerebro & nervis est. Huc pertinet quod ait Helmontius. (d) Sagittatorem deliri & amentiarum habitare in præcordiis. Hinc mala illa curantur victu tenui, diluente, potu sedante, emetico, purgantibus anodynis. (e) patet indè cur similibus in casibus cerevisiam tenuem pro potu præscriberet Sydenhamus. (f) Solis diluentibus ingruentes morbos sese plurius avertisse, atque ab his immunes fuisse plures è suâ domo nos monet. Intimum etiam fovet consensum ventriculus cum faucibus, necnon thorace, atque hic contentis partibus. Nervus recurrens nobis aperit modum & rationem quibus stagnans in ventriculo saburra, tussis provocet vehementes, chronicas, convulsivas, clangosas infantum (g), suffocationem hysterica, anginam, &c. (h) Infrâ nervum recurrentem in thorace par octavum, aortæ, pulmonibus, plexui cardiaco, pericardio nervos & sensum suppeditat. Hinc educendæ saburræ necessitatem sæpius indicat pulsus intermittens. Venena, sordes in præcordiis syncopen provocant: quandoque in acutis ut summa sic subitanea debilitas artus occupat. Cedunt autem hæc, & intelligitur cur cedant propinato emetico. (i) Dolores pleuritici vagi, pectoris oppressiones, anxietates, non rarò inscio perterritum inflammationis metu percussus. Hæc ubi adsunt sine signis inflammationis, horum causa in ventriculo quærenda. (k) An ab eadem causâ non nunquam morbi pectoris inflammatorii? Hos sæpè subito suscitavit haustus imprudenter aquæ Gelidæ cyathus corpore calente. Credendum resorbtis sudoris moleculas, sanguini mixtas, in ultimis pulmonum aut plevræ vasis hæsisse? Aut potiùs has in partes, eretismum quo afficiebatur, medio nervorum, diffundeat ventriculus? Verisimilius quidem. Aqua glacialis ventriculum immediatè, nullatenus recensitas partes offendeat. Quid plura? Inflammantur hæ partes ob venenum stomachum fortiter irritans & rodens. Quid tam discrepat à veneno acris & irritans saburra? Aut potiùs utriusque idem erit effectus habitâ ratione eorum acrimoniæ. Non ideo mens ea nostra est ut in omni hoc morborum genere citò semperque propinetur emeticum. Suæ sunt arti regulæ. Suos habet, nec desunt, sapientes. Ubi requiratur doceant. Res indicat propinandum tunc esse, quando pulmo gravatur pituitâ lentâ, æstate fortasse nunquam, hieme quandoque, brumali tempore non infrequenter. (l) Nec hoc solo modò his in morbis suscitandis agit ventriculus. Dixit Hippocrates inflam-

* Tomo 2.
 pag. 204.
 296, 297 &
 299. Idem au-
 tor. Tomo 3.
 pag. 386. de-
 monstrat cau-
 sam apople-
 xiam excitantem
 quod quando-
 que hæret in
 ventriculo.
 Eiusdem libri
 paginâ 432 ait
 sordes circâ
 ventriculum
 hærentes habere
 miram pote-
 statem turbandam
 alitionum encephali.

** Cicutæ
 aquaticæ radices
 devoraverant
 pueri,
 epilepsiâ mox
 corripiebantur,
 iique soli
 evadebant qui
 venenum evomuerant.

Wesfer. cicut. aquat.

Hist. pag. 51.

*** Wanfwieten, tomo 3.
 pag. 316. Refert quod mulier quædam
 catalepsi subitò correpta,

(a) Hoff. Suppl. pars 12. pag. 461. §. 66.

(b) Hildanus, lib. 1. observ. 34.

(c) De symptom. lib. 1. tom. 7. pag. 60.

(d) De Febr. cap. 11. §. 13. pag. 771.

(e) Boher. Aph. 702.

(f) Scd. V. cap. 20. pag. 289.

(g) Hoff. suppl. pars 12. pag. 461.

(h) Idem suppl. pars 12. pag. 441.

(i) Sydenh. scd. 1. cap. 30. pag. 57.

(k) Hoff. suppl. pars 12. pag. 461. Wanfwieten, tom. 2. pag. 184.

(l) Vide Thesim anno 1738 propugnatam à M. Bouvard an rarò peripneumoniæ emeticum.

mationem in pulmone fieri maximè à vinolentiâ & piscium capitonum & anguillarum ingluvie. (m) Undè nam? Nisi quia hæc scatent oleo viribus digestivis non superabili, quod hæret in ultimis pulmonum valis. Chylus igitur crassus & viscosus, necnon saburra sanguini dum miscentur hos morbos inducere sæpissimè possunt. Wuillsius refert, in cadavere plurimorum qui laboraverant astmathe, pulmones integros fuisse inventos, mali verò causam in ventriculo stagnantem deprehensam. (n) Jure igitur Riverius (o) & Hoffmannus morbum hunc emetico curari affirmant. Qui tanta valet in suscitandis pectoris affectibus morbosicis, non minus in abdominalia viscera jus habet ventriculus. Stomacho referri debent diarrhææ, (p) seu morbosica materies ex cavo visceris lapsa, intestinalem fistulam immediatè afficiat, sivè in ipsâ sympathicè obtineat irritatio. Febri epidemicæ supervenientem diarrhæam, aliàs sæpè lethalem, emetico curabat Sydenhamus. (q) Nec rejiciebatur materies multum spectabilis quantitate aut pravis qualitatibus. Argumentum quàm sit irritabilis ventriculus & quid in morbis producendis valeat. *Quæ prodeunt non copiâ sunt estimanda.* (r) Quis dubitet carpere ventriculum, dum patimur colicos, acutissimos dolores; aëre tunc ob debilitatam coctionem ex alimentis erumpente & circum intestinorum claustra fremente. (s) Suadet Huxamius ut in morbo colico damnosiorum propinetur ad quartam usque vicem emeticum. Pro ratione subjungit maximâ copiâ tenacissimæ pituitæ obrui stomachum, magnamque vim corruptæ bilis eum opprimere. (t) Tandem inflammatione corripuntur intestina seu quia ingesta sunt acra alimenta, seu quoniam assumpti cibi vitio digestionis in materiam valdè acrem mutati sunt. (u) Sic tunc dum accessit intrâ debilem puerorum ventriculum, plurimi ileo & volvulo pereunt. Malum tandem est morborum comes indivulsus; huic notissimum nomen febris. Varii generis distinguitur. Febris enim est acuta alia, alia lenta, continua vel intermittens. Qualis sit, eam à fordibus circâ ventriculum stagnantibus oriri multa testantur. Anxietatibus, appetitûs prostratu, nauseis incipit, sitis eam comitatur; curatur diluentibus, sedantibus, purgantibus, emeticis. Unus est optimorum autorum circâ ejus originem consensus. Qualiscumquæ sit eam ab hoc miserimo fonte repetit Hoffmannus. (x) De ardenti febre Galenus, (y) de intermittente VanSwieten (z) scripsere, quòd prior soleat incendi à bile intrâ ventriculum, imprimis circâ ejus orificium superius stagnante, altera tunc epidemicè grassetur ubi bilis acrior & tenacior circâ præcordia collecta hæret. Dum intermittens febris sæviret, multi dato citiùs cortice peruviano tollebantur è medio, deinceps propinato emetico paucissimi morbo occumbebant. (aa) An corticis hujus, his in malis specifici remedii, topica foret actio? Hofque morbos tolleret idèd quod orgasmum ventriculi sedaret? Et quidem conducit illud medicamentum in affectibus hytericis, potissimum ubi validiores sunt Spasmodici motus, exquisitiorque irritabilitas. (bb) Data imprudenter po-

(m) De internis affect. Chart. tom. 7. cap. 7. pag. 642.

(n) Will. de morb. convuls. cap. 12. pag. 140.

(o) Præcox med. lib. 7. cap. 1 de asthm.

(p) VanSwieten. Tom. 2. pag. 353.

(q) Sydenh. sect. 12. cap. 4. pag. 63.

(r) Hypp. Aphor. sect. 12. Aphor. 23. Vide notam Cl. Lory, pag. 30.

(s) Vide pneumatopath. partem. 2am.

(t) Hux. de morb. col. Dama. pag. 28.

(u) Hoff. suppl. pars 12. pag. 463. §. 57.

(x) Hoff. suppl. pars 12. pag. 440.

(y) Epidem. lib. 1º.

(z) VanSwi. tom. 2. pag. 513.

(aa) Idem, eodem loco.

(bb) Sydenh. dissert. epist. pag. 519.

tiō purgans febrem sopitam fuscitat. Hæc de intermittentibus. Quis revocet in dubium putridas, malignasque febres ducere originem à sordibus intrà ventriculū congestis. Docet praxis quotidiana quod hæc vel illæ curentur sæpissimè si morbi initio propinatum fuerit emeticum. Hoc si negligatur auxilium aut seriùs adhibeatur rarò malignæ; non nisi post vigesimum primum, aut vigesimum octavum diem putridæ curantur; aut in malignas pessimæ naturæ mutantur. Nihil nisi febris maligna pessimæ indolis, morbus atrocissimus, petis. Ut & aliæ febres hæc sese manifestat; symptomataque eadem, sed sæviora magis, eam comitantur. At post mortem in ventriculo præ cæteris visceribus reperiuntur escharæ nigræ gangrenosæ. (cc) Vanſwieten ait, quòd sibi videatur ex observatis Sydenhami pestem agere radices in ventriculo. Num hæc confirmant omne febrium genus procedere à ventriculo? Sed ita omni morbo jungitur febris ut eam morbum essentialē, cæteros hujus symptomata appellare absurdum non foret. Sydenhamus agens de morbis quos vocat intercurrentes; tales sunt peripneumonia, plueritis, augina; fatetur se nullatenus dubitare quin febris habenda sit pro morbo primario, reliquosque affectus à quibus nomen morbi mutantur, febris esse symptomata testatur. (dd) Dum igitur febrem fuscitat ventriculus (& patet quàm facilè possit hanc provocare eretismum creando in partes maximè vasculosas) febrem, inquam, excitando omnes morbos acutos procreare posse videtur. Febris ephemera post crapulam in corpore sano benigna, accedentibus conditionibus morbum induxit non curabilem. Sed febres illas omisimus quas comitantur aut sequuntur exanthemata. Præterquàm quod hos morbos à ventriculo repetunt melioris notæ autores, (ee) in his febribus exanthemata eò minus abundant, aut curantur felicitiùs quòd venenata materies morbi initio, vomitu rejecta fuit copiosius. Huc pertinet variolarum inoculatio. Sed omnes, paucis exceptis, acuti morbi nominandi forent, ut qui procedunt à ventriculo ii referri possent.

(cc) Helmont. Tract. de Tumulo pestis. pag. 182.

(dd) Sydenh. Sect. 62. cap. 1^o. pag. 159.

(ee) Hoff. pars 2^a. pag. 443. Vanſwiet. tom. 2. pag. 361. Quid evidentius probat actionem

ventriculi in his morbis fuscitandis quàm exemplum mytuli venenati? vix assumpto illo totam cutem infestant exanthemata post assumptum emeticum evanescentia.



NON objiciat aliquis quidquid de ventriculo attulimus, de intestinis; potissimum de duodeno, posse affirmari. Militant pro nostrâ Thesi, ventriculi capacitas; exquisita sensibilitas, situs & munus. Nec ea nostra mens est sola emetica, neglectis aliis artis auxiliis, conducere. Hæc in pluribus morbis; in quibusdam etiam in quibus primo aspectu noxia videntur, prodesse, probare conati sumus. Si cui pro figmento foret stagnantem intrà ventriculū faburram inflammationem in visceribus procreare posse, quid faciant venena corrosiva contenta quamvis in ventriculo sedulus animadvertat. Si magnâ sunt exhibitâ dosi, citò enecant, cuncta viscera sphacelata reperiuntur in cadaveribus; & maximum argumentum nullam aliam partem præter ventriculū offendiſſe venenum, hoc est. Gangrænosa viscera, excepto ventriculo, devo-

rant, sine, noxâ animalia quibus porriguntur. Medici tandem omnes practici nostram thesim confirmant dum in chronicis diætæ non minùs quàm medicamentis confidunt, in peracutis autem non morantur sed juxtâ monitum Hippocratis, (*) purgant eodem die, felicissimo eventu. Sit itaque nostrâ conclusio.

(*) Aph. Sect. 4a. Aphor. x.

Ergò ventriculus, ut sapius, chronicorum officina, acutorum fomes?

DOMINI DOCTORES DISPUTaturi.

<i>M. Natalis - Nicolaus Mallet.</i>	<i>M. Marinus Jacobus-Clarrus Robert.</i>	<i>M. Petrus Lalouette.</i>
<i>M. Franciscus-Ludovicus-Thomas d'Onglée.</i>	<i>M. Maximilianus-Josephus Leys.</i>	<i>M. Petrus-Josephus Macquer, Regia Scientiarum Academia Socius & Censor Regius.</i>
<i>M. Guillelmus Fumée.</i>	<i>M. Guillelmus Berthold.</i>	<i>M. Josephus-Maria Franciscus de la Sone, Regina Medicus Primarius. Censor Regius & Regia Scientiarum Academia Socius.</i>

Proponebat Parisiis PETRUS-JONNES-CLAUDIUS MAUDUYT
DE LA VARENNE, Parisinus, Saluberrimæ Facultatis Medicinæ
Parisiensis Baccalaureus, Theſeos Author. A. R. S. H. 1759,

A SEXTA AD MERIDIEM,